

কালের বর্গ

২৬ এপ্রিল, ২০২৪

শুধু চাকরির পেছনে ছুটবে না, উদ্যোক্তা হবে : স্বাস্থ্যমন্ত্রী



শুধু চাকরির পেছনে না ছুটে উদ্যোক্তা হতে তরুণদের প্রতি আহ্বান জানিয়েছেন স্বাস্থ্য ও পরিবার কল্যাণ মন্ত্রী সামন্ত লাল সেন। গতকাল বৃহস্পতিবার সকালে বাংলাদেশ ইউনিভার্সিটি অব হেলথ সায়েন্সেসের প্রথম সমাবর্তন অনুষ্ঠানে প্রধান অতিথির বক্তব্যে তিনি এ কথা বলেন। শিক্ষার্থীদের উদ্দেশে সামন্ত লাল সেন বলেন, ‘তোমরা স্বাস্থ্য বিজ্ঞানবিষয়ক বিভিন্ন কর্মমুখী প্রগ্রামে অনার্স ও মাস্টার্স ডিগ্রি অর্জন করেছ; সেই হিসেবে তোমাদের কর্মক্ষেত্র তুলনামূলকভাবে সম্প্রসারিত ও অব্যাহত। তবে তোমরা শুধু চাকরির পেছনেই ছুটবে না, উদ্যোক্তাও হবে।

তরুণদের জন্য চাকরির ক্ষেত্র তৈরি করবে।’ সমাবর্তন অনুষ্ঠানে জাতীয় অধ্যাপক এ কে আজাদ খান, ইউনিভার্সিটি কলেজ লন্ডনের অধ্যাপক অ্যান্থনি কস্টেলো, বাংলাদেশ ইউনিভার্সিটি অব হেলথ সায়েন্সেসের উপাচার্য ফরিদুল আলম প্রমুখ বক্তব্য দেন।